

Pitonga Koorero

Waahanga 4 – Te Hii Tuna



He Mihi

He piko he taniwha, he piko he taniwha, Waikato taniwha rau, Tainui tangata rau e tuu.

Kei ngaa tini mate o te waa, moe mai raa. Taatou te hunga ora kawe nei i ngaa wawata o raatou maa nei ka mihi.

Ahakoa ngaa tini aahuatanga o te waa e pokea nei i a taatou te Maaori, kia maumahara tonu taatou ki te aapoopoo, araa, ko te oranga tonutanga o too taatou ao Maaori moo ngaa uri whakatupu.



Waahanga 4 - 2023

I teenei waahanga mutunga o te tau i aro ngaa akoranga ki ngaa akoranga tuna. Teetahi o ngaa tino kai a te Maaori i ngaa waa o mua, ko taa Matua Turanga mahi he whakaako ki ngaa tauira me peehea te whatu hiinaki, aa, me peehea hoki ka rapu tuna i te awa o Waikato.



Taumata 1 + 2 – Puka 4

Level 1 + 2 – Term 4

Ngaa akoranga o te puka mahi

- Ngaa momo tuna
- Oona waahi noho
- Ngaa waahanga o te hii naki me ngaa koorero tuku iho
- Te whatu hiinaki
- Ngaa tohu o te maramataka Maaori
- Ngaa tikanga o te hii tuna

Ngaa hua o te puka mahi

Tau 1

Te Whakapapa o te Tuna

I teenei waahanga whakamutunga o te kura i aro kau ngaa tau tuatahi o te hootaka Kura Waitii ki te whakapapa o te Tuna. Kua roa te tuna e noho nei i ngaa koorero tuku iho o taatou te Maaori, aa, ngaa koorero o Waikato whaanui. Ko taa te mahi a ngaa tau tuatahi he ako i ngaa koorero moo ngaa momo tuna e noho nei i te awa o Waikato, ngaa momo taiao e pai nei ki a raatou, he tutakitanga tuatahi ki te hiinaki, aa, he koorero moo ngaa hiinaki o ngaa tuupuna.



Tau 2

Te Hii Tuna

Ko taa te mahi a ngaa tau tuarua he kawe i ngaa akoranga Tuna ki taumata kee, araa, he whatu hiinaki te mahi. I noho tahi raatou ki a Matua Turanga raaua ko Matua Jeremy ki te ako i ngaa aahuatanga o te whatu. Ko taa raatou mahi he kohi i ngaa rauemi i te taiao, katahi raatou i noho tahi ki te whakarite i teetahi hiinaki hei tiima kotahi.



Katahi raatou i ako i ngaa mata o te marama kia moohio pai raatou i ngaa waa tika hei hii Tuna, me ngaa waa pea kaaore i te pai. I whai ake ko ngaa akoranga whakarite hiinaki. I kuhu atu ngaa aakonga ki te awa aata maatai i ngaa pikonga o te awa kia whai waahi pai hei whakarite i te hiinaki.

Hei whakaoti atu i ngaa mahi i ako ngaa tauira i ngaa tikanga / kawa o te hii tuna.



Te Toki Voyaging Trust

Kura Waitii **2023**

Supported by the Waikato Regional Council

www.tetoki.org

Waikato
REGIONAL COUNCIL
Te Kaunihera a Rohe o Waikato